

Form vnd wesen summarie begriffen

der handlung zwischen Römischer Kayserlicher Maiestat ꝛc.
vnnserm allergnedigisten herren/durch Irer Kayserlich
en Maiestat verordent Räte/vñ den Churfürsten/Suro
sten vñ Stenden des heyligen Reichs auffdem yetz
uerschinen Reichs tag zu Wormbs gehalten.

[Faint handwritten text in a cursive script, likely a summary or commentary on the printed text above.]



Weller, Repert. typogr. 488

Faint, illegible text, possibly bleed-through from the reverse side of the page.

add. 2

IN=030013922

Wir Maximilian von Gottes Gnaden

Erwelter Römischer Keyser / Zu allenzeiten / merer des Reichs /
 In germanien / Zu Hungern / Dalmacien / Croacien zc. Kunig /
 Erzherzog zu Osterreich / Herzog zu Burgundi / zu Brabant
 vñ pfaltzgrafe zc. Embieten allen vñ yegklichen vnsern vñ des
 heiligen Reichs / auch gemainer Teutschen Nacion verwandte
 vndertanen vñ getrewen / in was wir den standts oder wesens
 die sein / den dyz vnser schreiben zulesen oder zu hören furkumbt /
 vnser gnad vnd alles gut. Ir mügt nu wissen oder vernemen
 was gestalt wir / als wir yetz jungst in vnsern nyder Burgun-
 dischen Lannden gewesen sein / mit vnserm heyligen vater dem
 Babst / auch vnsern lieben Brüdern vnd oheymen den kunigen
 zu Franckreich vnd Arrogan / zu eren nortürfft vnd wol fart ge-
 mainer christenheyt / des heiligen Reichs / vnd Teutscher Naci-
 on löblich verstentnuß / Ainigung / Pundtnuß vnd vertrag er-
 langt / auffgericht vñ beschlossen haben / wider dye Venediger /
 als die der heiligen Römischen kyrchen etlich jr landt Stet vñ
 güter gewaltigklich einzogen vnd lang vorgehalten / auch vñ
 vnsern heyligē vater den Babst / auff das Er solh der kyrchen gü-
 ter an Sy erfordert / weyter zubetrüben vnd zuben örtigen vnder-
 standen / vñ sich sunst mit vill landen / vñ dem heiligen Reich
 auch den Cronen Franchreich / Arragon vnd anndern Recht-
 lich zugehörend / gereichert / vnd in solich macht / gewaltig hoh-
 mütig Regiment gesetzt haben / das zubesorgen gewesen / wo nit
 durch obberürt ainigung vnd vertrag darein gesehen / wer der
 Cristenlichen regierung / so von dem almechtigen ordentlich ge-
 setzt vnd furschen ist / Irrung / Zerrüttung / Schmach vnd be-
 schwert zugewarten gewesen / vñ darauff gestanden / Das die Ve-
 nediger als ein gewaltig Commun noch weyter gegriffen / vnd
 zu letst das reich wie vorzeiten die Römer gethan haben / in Ir
 herschen vnd gebiet pracht heten.

Auff solichs vnd sonnderlich vmb den Raub auch die vnge-
 horsam vnd verhandlung / So die Venediger an der heiligen

*die p[ro]p[ri]e
m[er]cklich*

Römischen Kirchen begangen haben/ Hat sy vnnsere heyliger va-
ter der Babst nit vnbillich in Schwaren Ban erkant getan vn̄
publicirt/ darauff vns als der heyligen Römischen Kirchen Ad-
uocaten/ Darzu vnser lieb Brüder die kunig von Franckreich vn̄
Arragon zu hilff/ Schirm vnd rettung erfordert vnd ersuecht.
Das haben wir angesehen vn̄ zu hertzen genomen/ vns auß vn-
sern Nyderlanden herauff gen Wormbs zu vnnsern lieben Ne-
uen vnd oheymen den Churfursten/ Fursten vnd Stenden des
Reichs auff berürten tag/ Souil Jr damals gegenwurtig ge-
west sein/ gefuegt/ Inen die obangezaigt löblich verstentnuß/ ai-
nigung vnd vertrag erzelt vnd furgehalten/ Irer hilff Rat vnd
Beystandts/ darumb sy auch von vnnsere heyligen vater dem
Babst durch seiner heyligkayt brieffe hob ermant vnd ersuecht
sein/ Begert. Darauff vnnsere Räte solh vnnsere Begern zuerfolgen
vnd zu sollicitiern bey Inen gelassen/ Vnd vns zu den sachen fur-
derlich herein gefuegt vngezweyffelter hoffnüg das an der ver-
samblung des Reichs hilff nit mangel erscheinen sein solt.

versam-
lung.

¶ Aber auff oberzelt löblich verstentnuß/ ainigung vn̄ vertrag
auch vnnsere genedig ansuechen vnd Begern/ Vnd vnnsere heyl-
ligen vatters des Babsts erfordern/ hat vnns dye versammlung
des Reichs Jr hilff vnd Beystand zuthun gewegert vnd abge-
schlagen durch nachuolgend handlung vnd vbung gegen vn-
sern verordenten Räten zu Wormbs. ¶ Nemlich haben vnnsere
lieb Neuen/ oheym/ Churfursten/ Fursten vnd Stend/ auff ain
erste vn̄ vorgegeben ir antwort/ die hye zu erzelen on not ist/ Re-
petirt vn̄ angezaigt/ etlich vsachen/ dero aine sein sol/ Jr vnuer-
mögenlicheyt die sy beschwerts gemüts anzaigen/ offentlich vor-
augen stee. Vnd der vnnsere Räte selbs güet wissen tragen sollen
Darumb sye sich nit klain thün verwundern/ Das von vnnsere
Räten sich solher irer warer gegrundter antwort befrömbt vn̄
beschwert werde/ Wann offentlich vnd vnuerporgen sey/ was
mercklichs lasts beschwerung vnd costens das heylig Reich in
kurtzuegangen Jarn bey vnnsere zeiten durch vilfaltig Reichs
tag mit zerung/ nachtraysen/ krieg vnd hilff erlitten hab/ darauff

*effen R[ati]o
vil v[er]f[ur]gung / 7 Juny 1525 / 2. p[ar]te de fust
v[er]f[ur]gung / 2. p[ar]te de fust
1525*

vnd andern vrsachen/die Stend vnd die sren in sren camern vnd
seckeln dermassen erschöpff vnd entplöst sein/das nu zurzeit nit
mer also zuhelffen in sren vermögen stee/wie dann dye vorig Ir
antwort zuerkennen geb.

¶ Solh der Stend anzaigen Irs vnuermögens habē wir inen Kayser
sungst durch vnser Kete in schrift ablegen vñ widerreden las
sen. Desgleichē wir hiemit noch thūen vñ Repetieren/Nemlich iestat.
Das solh antwort vnd entschuldigung nit stat noch grund ha
ben mag/auch etwas schimpflich zuhören ist. Dan wir vñ me
niglich wissen vnd erkennen jr vermögen beylefftig so wol als
Sy selbst/Wo das nit wer/vñ wir jr vnuermögen im grund so
groß als sy es furgeben wesssten/wolten wir sy vngern ansuchē
Aber jr vermögen ist von gnaden gots noch so groß vnd weyt
das sy vnns dem heyligen Reich vnd inen selbst zu eren vñ wol
fart mit ainer angeschlagen hilff/die yeglichen stand in sonder
heyt wenig beschwert/vnd doch ain treffentliche anzal pringen
mag/wol erschießen/vñ dannocht in sren Stenden vnerarmet
gleyben vnd besteen mögen. Sy ermessen pillich das mitleyden
vnd darstrecken so wir die zeyt vnserer Regierung bis her dem
Reich vñ Teutscher Nacion zuerlangen das/ so yetzo offentlich
vor augen ist gethan/vnser Erbland vnd leüt damit vertiefft
vñ verkumert haben/Wo wir nu derselben nit souil gehabt/wie
das Reich von der Stend Jarlichen Stewern vñ andern auf
legen vnd darstrecken bis her beschehen/gegen den mercklichen
vilfaltigen ansechtungen so im zugestanden sein/gehandthabt
vñ behalten werden mögen het/ist inen vnd meniglich wol zu
rechnen. Es müst deshalben zugedencken sein/wo wir mit todt
abgiengen/der almechtig wöl vnns lang fristen/das die Chur
fürsten Fursten vnd Stendt das Römisch Kayserthumb/dye
weyl das so hohen costen bedarff vñ ainen Kayser so schlechte
hilff dauon beschicht/nit erhaltē/sonder irer armüt halbē dauō
steen möchten/dz doch zu erparmen wer. Wol mögen wir ach
ten/wan sy sren Furstenthumben/Stifften/Steten/Camern/Cō
munen vñ vnderthanen/kain beschwer noch abpruch anthūen

Sonder allain gedencken wöllen dieselben zureichern vñ schertz
zusameln/das sye vñlleicht nit vbrigs haben möchten. Sye seint
aber vnns vñ dem heyligen Reich auch hob geschworen vñ ver
pflicht/wie sy all selbs wissen/So sy die selben pflicht erwegen
finden sy vñlleicht schuldig zusein vnns vñ dem Reich zu hand
habung ern vnd wolfart auch mitzutayln/ob schon solchs mit
srm nachtail vñ vber wol vermögen beschehen solt/darfur wir
es doch noch nit achten. ¶ Das sich nu die Stend beschwern
der vil Reichs tag so die zeit vnserer Regierung gehalten/vñ der
grossen müe costen vnd zerung so dar auff geloffen sein/mögen
die Stend vñ menigklich erkennen/das dem heyligen Reich vñ
Teutscher Nacion vor vnserer Regierung nye souil anfechtung
widerwertigkhey vñ sorgfeltigkhey begegnet sein/als bey vnsern
zeyten. Darumb ist darvor des Reichs versamblung nit so offt
not gewest/aber auff die menigfaltig anfechtung beschwert vñ
sorgen/so dem Reich vñ den Teutschen bisher von vil Nacion
Begegnet sein/haben wir gethan als vns von Amtes wegen ge
bürt/vnd als der dem Reich nichtz verabsawmen wöllen hat/
vñ darumb die Stend so offt versameln müssen. Es ist wol vor
Jarn also gehalten/So dem Reich ichtz obgelegen vnd not ge
west/das ain Römischer Kayser oder kunig die Stendt geson
dert schriffelich ersuecht/darauff sy sich dan gehorsam erzaigt/
So aber wir das vnderstanden/haben wir befunden das ye ai
ner auff den anndern gewegert/vnd damit wenig gehorsam er
langt/darumb hat not gethan sy zu den Reichs tagen gemain
lich zuuersameln/ob sy dar auff costen zerung vnd müe von des
Reichs wegen geliten/Des gleichen vñ vil mer haben wir auch
gethan/wir lassen vns aber des nit daworn/dan wir gedencken
das wir anhaym auch nit sonder müe vnd costen leben mögen
hetten.

versam
lung. ¶ Verrer ermessen die Stendt als ob Sy dyser hilff zuthun nit
schuldig seyen auß vor angezaigten vñ nachuolgenden vrsachē
Dero die erst sein sol/Das vnser ainigung/vertrag/krieg vñ fur
nemen on jr Rat wissen vñ willen furgenomen vñ auffgericht/
wie dan notturfft des heyligen Reichs in solhen grossen schwe

ren vñ dapffern sachen höhlich tat erfordern/auch also im heyligen Reich wo irer hilff begert löblich herkomen vñ gepraucht sey.

C Darauff ist vnser antwort. Wir haben ain vertrag ainigung vñ verstentnuß mit Babstlicher heyligkeyt/auch vnnsern liben Brüdern den kunigen zu Franckreich vñ Arragon gehandelt vñ auffgericht/vnnsere gewissen vñ pflichten gemeyß/dem heyligen Reich Teutscher Nation vñ gemainer Cristenheyt zu nutz ern lob vñ wolfart/das wir menigklich zu erkennen geben. Aber gelegenheyt der sachen hat keinen verzug oder auffschub erleyden mögen. Solten wir nu der Stend rats vñ willens gepflegē/so müßten wir zuuor ainen Reichs tag beschreiben/irer Rat ersuche vñ dan erst zu der handlung der verainigung gegriffen haben/das noch auff herotigē tag nit beschehen sein möcht/dardurch der löblich nutzlich vertrag vñ ainigung gehindert vñ zu rugk gestelt/vñ die gegenwertige vnser eerlich auffnemliche vnd sig- haffte furnemen nit beschehen weren. Deshalb mainen wir es sey nit not gewesen/hetten auch vnsern pflichten nit genüg getan die sachen auff sy in solh har vñ versaumnus zustellen. Sonderlich so wir bedēcken/das auff etlichen vergangen Reichs tagen durch vnns auch Churfursten Fursten vñ Stend bedacht worden ist/ainigkeyt mit Franckreich zusuchen/nemlich wider die Venediger vñ vnglaubigen/so wir nu die löblich erlangt haben/so wil vnns das in argß gemessen werden/dar auß abzunemen ist/als ob die Stend vñ villeicht suechen/zwischen vnns vnd ir selbs zwitrecht zuerwecken/dardurch das Reich in zerruttig gefurt werdē möcht/vñ erscheint sich dz die vrsach irs abschlagens der hilff/sey nit ir vnuermögen/sonder allain ain vnwillen den inen ettlich furnemen/umb das wir irs Rats nit gepflegen haben/dz dan auß vorberürten vrsachen kains wegs fueg noch stat gehabt hat.

Kayser
lich ma
iestat.

C Zum andern vermainen die Stend der hilff nit schuldig zu sein/umb das sy nit wissen mögen/was nutz oder schadēs/vortayls oder nachtayls/dem heiligen Reich auß solhen ainigung-

versam
lung.

X
en vñ vertregen entsteen müg/des sy doch pillich/dieweyl Irer
hilff begert wirt/mit wissens empfangen hetten.

Kayser
lich ma
iestat.

¶ Unser antwort. Güt ist zuuernemen vñ zuwissen/vñ wellen
aber den Stenden selbs vñ menigklich zuerkennē geben/das die
verainigung vñ Tractat in allem inhalt dem heyligen Reich
Teutscher Nacion vñ gemainer Cristēheyt in kainen weg nach
taylig noch abpruchig/sonnder mer hohlöblich/erlich vñ auf-
nemlich sey. So mag nit wol dargethā werdē/als ob die stend
solher verainigung vñ vertrag als gar nit wissen tragen/wir
sein doch darumb nechst an vnserm herauff ziehen zu inen gen
Wombs kōmen/haben inen solhen vertrag offenlich vñ in ge-
haym klar angezaigt vñ darin nichtz verhaltē/den sy inen auch
desselben mals wol gefallen lassen/nichtz darein noch darwider
geredt/vñ sich etlich gegen vnns tröstlich mercken lassen/als
werd auff solhen vertrag an der Stend hilff zu dysen löblichen
erlichen farnemā nit mangel sein. Es ist scheinparlich zumerck-
en/das der almechtig von hymel solh ainigung vñ vertrag ge-
schickt hat/vñ sine die wol gefallen last/dz erzaigt Er mit dem/
das Er der Babstlichen heyligkēyt/auch vns vñ vnsern Bü-
dern den kunigen zu Frackreich vñ Arragon so wunderbarlich
vnnatürlich Sig gnad vñ gluck/in so kurzer zeyt zu eroberung
nach aller der Venediger landt/verlihen hat/warumb wöllen
inen dan die Stend des Reichs dieselb ainigung vñ vertrag nit
auch gefallen lassen.

versam-
lung.

¶ Zum Dritten besorgen die Stend/wie auß vor beschehen hilf-
en sich erzaigt haben soll/wō vnns die begert hilff von inen zu
thün müglich/das dannocht wir vñ das heylig Reich ee vñd
mer in vertieffung vñ vnrat/wan in erhebung oder auffnemen
dardurch gelayt oder gefurt werden möchten/dan wiewol die
jungsten zwo hilffgehaltner Reichs tag zu Cōln vñd Costentz
vber wol vermügen der Stend bewilligt/ So sey doch vns vñ
dem heyligen Reich kain nutz/sonder allain nachtayl schimpff
vñ schad deßhalb erwachssen vñ kōmen. Sy geschweygen dar

Die Keyserliche Antwort auf die Stend

24

Bey anderer grosser hilff darvor geschehen/das alles die Stend
nit vnbillich hoblich beschwer vn̄ in betrachten beweg.

¶ Darauff ist vnser antwort. Nyemand mag vnns mit grund
beschuldigen/das wir die zeyt vnserer regierung/das Reich in
ainig vertiffung vnd vnrat gesuert/dann was wir bisher groß
(Das Reich betreffend) gehandelt/habē wir alzeit mit der stend
Rat gethan/vn̄ darumb souil versammlung/der sy sich oben be-
schweren/halten müssen. ¶ Das aber auff die hilff von Cöln
vn̄ Costentz auch ander vorgehalten Reichs tag wenig frucht-
pars sonder nachtayl schimpff vn̄ schaden erwachsen sein sol.
Wissen wir nit sondern nachtayl vn̄ schaden dem Reich besche-
hen/aber wol vnns vn̄ vnnsern erblanden. Der schimpff (ob ai-
nicher darauff erstanden wer) soll pillich nit vns sonder ee den
stenden zugemessen werden/dan̄ sy haben schimpflich darzu ge-
than/vn̄ sein des vrsach/irer langsamen vnnolkomenhilff hal-
ben/vn̄ nit wir/dan̄ wir alzeit vnser leib leben camergüt landt
vn̄ leüt zu den sachen dargetan/so sy des merern tayls anhaym
bliben sein/vn̄ so ye der puncten/das auff die ergangen hilff ge-
haltner Reichs tag vnns vnd dem heyligen Reich kayn nutz er-
wachsen sey/angerürt wirdt/des haben wir vns pillicher dan̄
die Stend zubeschweren/dann sy vnns alweg durch jr bewillie-
gen vn̄ zusagen der hilffen/zu vnnsern furnemen vnd darauff in
grossen costen vn̄ darlegen gelayt/vn̄ dan̄ jr hilff/vber das die
wenig vn̄ gering gewesen ist/dannocht so langsam seromig vn-
uolkomen vn̄ vnordēlich gehalten vn̄ geraicht/dz damit nichtz
fruchtpars außgericht werden mögen/vn̄ vnns geursacht vn̄
gepracht hat/in verschwendung vnser Camergüts/versawom-
nus vn̄ verwarlosung vnserer land vn̄ leüt/auch vmb anders
so vns zugestanden sein solt vn̄ möcht/ als Hungern/Britani/
Mayland/gantz ytalien zc. Das alles wir mit gnaden des al-
mechtigen/wo sy jr tapffer hilf zu rechter zeit vn̄ volkomen dar
zugethan hetten/auff des heyligen Reichs oder vnser erblich
oder erheytrat/gerechtigkeiten/erobert vn̄ behalten/vn̄ also dem
heyligen Reich vn̄ Teutscher Nacion anhengig gemacht habē

Kayser
lich ma
iestat.

*Wie
vns
schaden*

*Das
ist
die
sach*

*Das
ist
die
sach*

*Das
ist
die
sach*

B

wolten/wie wir vnns des auff allen Reichs tagen gnediglich
 vñ getrewlich erpoten haben. Vnd darumb wo sy vns vñ dem
 heyligen Reich noch nit tröstlicher ordenlicher hilff thun wol-
 ten dan bißher/wer weger sy der zuerlassen dan die anzunemen.
 ¶ Wo aber die Stend vñ villeicht gedechten vnd vermainten/als
 ob jr bißher gethan hilffen vnns vñ vnsern herosern österreich
 vnd Burgundi zu staten vñ gutem komen vñ beschehen weren.
 So geben wir inen zuermessen/das die genantennser heroser
 österreich vnd Burgundi schlüssel vnd clausen des heyligen
 Reichs vñ Teutscher Nacion seyn/gegen allen anfechtern vnd
 widerwertigen glaubigen vñ vnglaubigen/Vñ was denselben
 herosern hilff vnd furdrung beschehen/wer doch dem heyligen
 Reich vñ Teutscher Nacion gethan. Dann so dieselben heroser
 österreich vñ Burgundi in bestandt vnd wesen vor in anst ös-
 fern vñ widerwertigen gehandhabt sein/So ist das Reich dar-
 durch behalten. Wan sy aber (darvor der almechtig sein wöll)
 verlassen vñ vom Reich getrent werden solten/wer zu besorgen
 das das Reich vnd die Teutschen/von fremder Nacion ober
 fals beschwerung vnd ellends/das yetzo nyemandt gedencen
 wil gewarten müsten. Zusambt dem so haben dieselben heroser
 österreich vñ Burgūdi dannocht alweg gegen den anfechtern
 vñ widerwertigen gar vill mer last/mitleyden costen vñ darle-
 gen/weder ander Stend des Reichs getragen vñ gethan/alles
 dē heyligē Reich vñ Teutscher Nacion zu aufenthalt vñ gutem

versam-
lung.

¶ Auff die Vierd vrsach derhalben die Stend vnns vñ dem
 Reich nit vermainten zuhelffen/nemlich also lautend. Wo inen
 die begert hilff möglich vñ sy die theten/das solichs angesehen
 vnd geacht werden möcht/als ob sy in die angezaigten (doch
 inen vnwissend) vertrag/vñ wie die geschehen/ob sye gleich dē
 Reich nachtaylig weren/gewilligt vñ gehalten heten. Zusambt
 dem das solhs der handlung nechstgehalten Reichs tags/dye
 mit hoher vernunfft vnd betrachtung bewegen worden nit ge-
 mes/das sich Churfursten vñ ander Stend getrewer maynig
 erpoten gehabt. Ir treffenlich potschafft zu dē kunig zu Franck

reich zuschicken/mit dem selben des hertzogthumbs Mayland
vñ anderer sachen halben das heylig Reich vñ die cron Franck
reich betreffendt zuhandeln vñ vnrat zu furkomen/mit hohem
erpieten der Stendt/wo sich der selb kunig nit gleicher ding ge-
gen vnns weysen lassen wolt zc. Das inen aber von vnns dessel-
ben mals abgeschlagen vñ nit veruolgt sein sol/nit on nachtayl
vñ beschwerung des Reichs als die Stend besorgen.

Wir haben in ainem Artickel oben erzelt das die ainigung vñ **Kayser**
vertrag in kainem innhalt dem heyligē Reich nachtaylig noch **lich ma**
abpruchig/dan wir sein alzeit des gütten gemüts/dem heyligen **iestat.**
Reich so vngern etwas zuuerlieren oder zu vertadungen als sye
es sehen mögen. So aber die ainigung vñ vertrag dem heyligen
Reich vñ Teutscher Nacion zu hohen eren/lob auffnemen/rue
vñ frid raichet. Darzu ist der Stend bewilligug nit not gewest/
sonder wir haben des als regierender Römischer Kayser nach
schickung des almechtigen/auch hohem rat vnd erwegen/vnd
dem heyligen Reich Teutscher Nacion vñ gemainer cristēheyt
zu güt/aus vnns selbs wol fueg vñ macht gehabt/wo inen dan
die Stend solchs nit lieb sein lassen wolten/möcht inen darun
vbel gesprochen werden/in ansehung irer pflicht vñ ayd die sye
wol weisen/was sy vnns vnd dem heyligen Reich gönnen vnd
schuldig sein sollen. **Mayland** halben haben wir den Sten-
den nechst durch vnnsere Xete vnser antwort vñ maynung fur
halten lassen/defgleichen wir hiemit noch thun/dz wir anders
nit darinn gehandelt/dan wie auff vergägen Reichs tagen die
Stend vñ sonnderlich Churfursten vñ Fursten geraten haben
Nemlich solcher gestalt/dz wir vns befleyssen solten mit Franck
reich in ainigkēyt zukomen/Sonnderlich wider Venedig/vñ in
darauff mit Mayland zu belehnen. Dan ain kunig von Franck
reich stünde ainē Römischen Kayser oder kunig fur ain lebens
man des heyligen Reichs pas an/dann ain aigner hertzog zu
Mayland. Solher irer maynug vñ ratsleg vō vorigen Reichs
tagen/sein wir noch wol ingedenck/haben darfur gehabt was
inen desselben mals gefallen/es het yetzo auch nit wegerung bey

hien gehabt. Wo wir aber gesorgt das sy auff yedem Reichs tag
ainer sondern vñ andern maynung sein wolten/oder das gele-
genheyt der sachen souil pit vñ auffschub erleyden mögen/ hettā
wir wol bedacht sy vor zu ersuechen. Vnd also haben mir dem
Reich mit Mayland nichtz vertedingt/es ist gleich so wol lehē
als vor. Vñ wo wir vnsern Brüdern von Franckreich die Beleh-
nung nit gethan/so het ers dannocht gehabt/vñ wer zu besorgē
vnns vñ dem Reich schwarz gelegen in dauon zudringen/dann
wir haben dz lang versuecht vñ angefochten/vnser leib vñ güt
daran strecken wöllen wie meniglich gemerckt vñ gesehen. Es
hat aber bey den Stenden irer hilf vñ zuthüens halben nye sein
mögen/sonnder sy haben sich alweg mercken lassen/das Inen
Mayland lieber der gestalt in des kunigs zu Franckreich hand
sey/dan in weylent hertzog Ludwigs darauff sy mercklichen
kosten dasselb zuerobern darlegen müsten/vñ vns also vnser an-
synnen vñ furnemen Mayland halbē/doch auff zwaien reichs
tagen gestracks abgeschlagen. Demnach wöllen wir darfur
achtē das wir mit dem wenigen vñ myndern als alain mit der
Belehung Mayland/dem heyligē Reich vñ Teutscher Nacion
ain merers auffgericht vñ gestiftt haben/das ist die löblich ai-
nigkeit vñ vertrag/darauff dem Reich Teutscher nacion vñ ge-
meiner Cristēheyt ob got wil auffnemen/handthab frid vñ rüe
gedeyen sol/als sich dan noch bis her in volziehūg solher ainig-
keit vñ vertrag tröstlich erscheint/In dem/das wir nu alles das
vnns von der Venediger land vñ gebieten in sollichem vertrag
zupartheyt/das doch ain mechtig ding ist/nach gannz erobert
vñ in vnser gewalt vnd gehorsam pracht haben. Dergleichen
glucks/Sigs vñ auffnemens wir vnns hinfur zu dem almech-
tigen wol getrösten. Das wir aber zu Costentz abgeschlagen ha-
ben sollen ain potschafft in Franckreich zuschicken/des gesteen
wir nit/In der gestalt. Wir gedenncken wol das danon gehan-
delt worden/vñ ist der Stend maynung gewesen ain schlechte vnd
geringe potschafft zuuertigen/das mögen wir woll widerredt
haben vñ pillich/in bedacht das vnns den Stenden vñ gantz
er Teutscher Nacion groß vnanschen schmach vnd verclainē

rung darauf erwachsen wer. Aber ain mechtige ratliche potschafft abzufertigen haben wir nye gehyndert/sonder mer gefurdert vn̄ sollicitirt/sein auch darauff willig gewest vn̄ fern gepurenden costen darzulegen. Darin sich aber die Stend des costes beschwert vn̄ also die potschafft zufertigen ersitzen lassen habē.

¶ Fur die Sunfft vsach melden die Stend als ob sy vn̄s vnd dem Reich zuhelffen nit schuldig sein. Nemlich das bis her nye mer im Reich gehort/dz ain solich treffenlich eylend vn̄ stumpf hilff zuuor vn̄beratschlagt/auch zu vn̄gelegner zeit/zuschicken/ gefordert oder begert sey. versamlung.

¶ Gegen demselben bedunckt vns dysse hilf solt die zeyther so die Kayser Stend bey einander versammelt gewest/wol beratschlagt vn̄ nulich ma in kurtz auffzupringen mogen sein. ¶ Vn̄s ist die verainigung vn̄ vertrag auch so gahs zugestanden/das vn̄s vn̄ dem Reich nach vn̄ fern gegenwurtigen furnemen wie ob stet ainichen auff schub darinn zu thun nit nutz/darumb auch not gewest ist/dye hilff gah zuuordern vn̄ auffzupringen/dan̄ dise vn̄ser furnemen haben eroffnung vn̄ ausspraying lang vor der that/nit leyden mogen/sonnder ist das gewinlich ist gewest/die Venediger vn̄ uersehen zu vbereylen. Dan̄ solten vn̄ser furnemen lanng daruor vn̄ getrochen worden/vn̄ an die Veind gelangt sein/wer vn̄s vn̄ dem heiligen Reich beschwerdt vn̄ sorg/vn̄ den Venedigern kundtschafft/sterckung/schicklicheyt vn̄ hoffnung darauff gestanden/das sy nit (also zuscherzen) auff ain tag zu grundt gangen wern/wie dan̄ in den weg besehen ist. Vn̄s hat auch gepurt kurtz nach vn̄serm lieben Bruder von Franckreich/vn̄ neben vn̄serm heyligen vater dem Babst anzugreifen/in ansehung vnd krafft der verainigung vn̄ vertrag/darein wir allain sy bewegt vn̄ pracht/habē aber darbey wol bedacht/dz der Stend kriegs volck so vn̄s bewilligen wurden/villeicht nit so leydlich wern in die hytz zuziehen als die vn̄ fern/vn̄ darumb yetzo den vorzug mit vn̄ fern leuten gethan/sein des auch noch in steter vbung vn̄ merer rustung. Auff das/so sich die Stend ainer tapffern trost.

B ij

lichen hilff entschliessen wurden/das iren leuten die herbst zeyt zu statten komen möcht. So wissen wir kayn fuegtlicher zeyt/durch das Jar zukriegen/dann dye Sommer zeyt/darumb on not vō den Stenden zu vsach genomen wirdet/als sollen wir die hilff zu eylent/stumpff vñ vngelegner zeit erfordert haben.

versam-
lung.

¶ Darnach melden die Stend in irer antwort das aus angezai-
gten vñ andern vsachen/der auch wol mer zuerzelen wern/ Ir
vertrauen vñ hoffen sey/das sich solcher irer gegeben notturfft
gen waren antwort/weder vnser Räte noch yemand's anderer
mit pillicheyt zubefrembden oder zubeschweren haben sol ꝛc.

Kaiser-
lich ma-
iestat.

¶ Darzu sagen wir/Wo die Stend dergleichen vsachen noch
mer darteten/westen wir die in hoffnüg mit gutem grundt wie
die obgeschriben zuuerantworten vnd zu widerlegen. Das aber
wir vñ menigklich/der lieb naygung vñ gehorsam zu vns tregt
solcher abschlegigen antwort mit klain/sonder hoh befrembden
Beschweren vñ behertzigen haben/das ist menigklich zuerkennen
pillich/in ansehung das sy vnns das heylig Reich vñ Teutsche
nacion in dysen löblichen erlichen auffnemlichen vñ hoffenlich
en furnemen/dergleichen in menschen gedechtnus nye vorhan-
den gewesen sein/also zuuerlassen vermainen.

¶ Wir mercken verrer aus der Stend antwort vñ schrift/wo
wir in solhem vnnsrem schwarzen furnemen irs rats geprauch
wie im Reich herkomē/die notturfft erfordert/vñ pillich besche-
hen wer/was sy vnns dan geraten hetten/darin wolten sy sich
als die getrewen vñ gehorsamen on zweyfel mer wan wo ir ver-
mögen gewesen/erzaigt vñ gehalten haben.

Kaiser-
lich ma-
iestat.

¶ Solichs bedunckt vnns gleich ain widerwertigs sein/Dann
ir erste vñ principal vsach gewesen ist/ir vermaint vnuermögen
vñ hye melden sy/wo wir irs rats gepflegen/was sy vnns dan
geraten darinn wolten sy sich vber ir vermögen erzaigt haben/
Das gibt vns ain anzaigen ains vnwillens von etlichen die den

ursachen/welchen vnwillen wir doch vmb dieselben noch ander nit verschuldt/ sonder vns mit vnserm leib vñ güt auch erblanden vñ leüten in des heyligen Reichs obligen/zu vil darzu gemüt vñ beschwert haben/wo nu solher vnwillen dem heyligen Reich nit zu nachtayl kem/wer vnns der auch destringer zu tragen.

Zu letst erzelen die Stend/Sy zweyffeln nit wo die Babstlich versam heyligkeyt/herkomē geleghait der Stend vñ Teutscher nacion lung. wie zum tayl obangezaigt/auch wie vñ zu welcher zeit dise sachen an die Stend gelangt sein/bericht werde od wurde/ir Babstlich heyligkeyt wurde der gegeben antwort kain missfallen tragen/sonder der Stend gelegenheyt vñ notturfft in solchem genedigklich bedēcken. Wo auch wider die vnglaubigē oder Turcken mit ainer statlichen Expedicion oder zug solt gehādelt werden/alsdā notturfft derelben sachen wolt thet erfordern/oder so die Babstlich heyligkeyt oder Cristenlich kirch von yemant beschwert oder benöttigt wer oder wurd/so wolt sich zum vorderisten nach ermessung der Stend in solicher schwern grossen sachen gepürn/das zuuor vil cristenlicher gezung vñ gewalte zusammen erfordert/mit ir aller rat von sachen der notturfft zuuor gehandelt/wie vñ welcher maß solcher zug vñ handlung zum pesten vñ geschicktesten solt vñ möcht furgenomē werden/damit die hilff in solhem allenthalben auff muglich zeit gleichmassig vñ auff alle Stend vñ glider hoch vñ nyder aufgetaylt/vñ nit allain auff den gehorsamē klainen tayl des Reichs gelegt/auch zuuor Cruciat vñ anders gegeben wurd/wie dan vormalis in sollichem fallen mer gebraucht vñ geübt sey/darin wurden sich alle Stend des Reichs on zweyfel als frum cristglaubig glyder/gegen der heyligkeyt vñ dem Christenlichen glauben/nach ir vermügen zu aller gehorsam erzaigen/der maynüg wöllen sich auch die Churfürsten mitsambt gemainen Stennenden auff die Babstlichen außgangen breuia vñ anders derohalb surgehalten/verantwort haben. Darumb vñ aus angezaigten ursachen/die Stend des Reichs auff irer gegeben antwort besteen zc.

Kayser **Chyerauff** vñ auch fur das letst achten wir die **Babstlich** heylig
lich ma ligkeyt hab herkommen vñ gelegenheyt des Reichs vñ der Stend
iestat. gnügsam kundschafft/vñ wer vnser bedunckens noch so güt/
ir heyligkeyt vñ menigklich westen nit souil darumb/was gefal
lens aber ir heyligkeyt ab der Stend handlung tragen/wirdet
inen ir heyligkeyt vngeszweyfelt wol zuuersteen gebē/was auch
sunst in Teutschen landen vñ durch die ganz christenheyt von
den ihen die villeicht ains andern gemüts sein/darzu geret wirdet
sy on zweyfel auch furkommen. **Als** aber die Stend vnder
richt thün ordnung vñ wesen des zugs wider die Turcken oder
vnglaubigen/auch zu hilff Babstlicher heyligkeyt vñ der Kirch
en. So sollen die Stend wissen/das ditz vnser mitsambt Babst
licher heyligkeyt auch der kunigen zu Franckreich vñ Arragon
verstentnuß vñ furnemen nit angefangen sein/alain die Venedi
ger vmb Ir lanngher pracht verachtlich gewaltig vngötlich
herrschen/auch vmb das sy der heiligen kirchen das ir gewaltig
klich entwert vñ vorgehalten. Sich darzu dem Christenlichen
wesen in etlich ander weg vngemes gehalten/vñ vnderstanden
haben der Babstlichen heyligkeyt vñ kirchen weyter widerwer
tigkeyt vnd trang auffzuthün zustraffen/sonder auch auff dye
vnglaubigen zu ziehen/als wir dan herotigs tags willens sein/
so wir nu mitsambt Babstlicher heyligkeyt vnd den kunigen zu
Franckreich vñ Arragon den Venedigern das land noch alles
bis an die stat Venedig mit gotes hilff abgewünen haben/vns
auff das wasser zubegeben vñ zu vndersteen die vbrig ir macht
damit mir all kunfftiger auffrür vñ beschwer von inen vberha
ben vñ gesichert sein/auch nyderzulegen/zu Teutscher nacion in
vnser gehorsam zupringen/vnd furter wider die vnglaubigen
zuziehen. Wir kunden auch nit gedenncken das solhs bisher ye
fueglicher vñ schicklicher gewesen sey/vnd sich hynfur nummer
dergestalt begeben noch reymen möcht/dann so wir yetzo mit
Babstlicher heyligkeyt vñ vorgeanten vnsern lieben brüdern
in verstentnuß vnd ainigkeyt sein. **Wir** dyeselden vier/als die
maysten der christenheyt haben dyse furnemen gnüsamlich be
dacht vñ erwegen/auch nit fur not geacht weyter gezung zusa

22

1/11

1/11

1/11

1/11

1/11

men zu fordern/ Auß vrsach das solhs lange weyl mercklichen
 Costen/ vnd versaumnus gepert het/ damit wöllen wir darge-
 than haben/ das dysse furnemen mit alain wider die Venediger/
 sonnder auch die vnglaubigen/ gnügsamlich beratschlagt vnd
 nit not noch gut gewest/ ander oder mer gezüing zusamē zuprin-
 gen/ dieweyl doch dieselben vñ zuscherzen die gantz Cristenheyt
 alle/ vnns Vieren verwandt sein/ darumb auch wir Vier durch
 vnser potschafften die andern dannocht ersuecht haben. Dan
 solten die sachen dergestalt wie die Stend vor in haben/ surge-
 nomen die cristenheyt möcht nymermer wider die vnglaubigē
 aussprach werden/ darbey wöllen wir der Stend maynüg/ als
 ob sy auff dye Babstliche Brevia entschuldigt sein/ widerlegt/
 vnd vnserm heyligen vater dem Babst (ob sy seiner heyligkayt
 gnüg oder nit gethan) haimgesetzt vñ befolhen haben/ wir be-
 sorgen vñ gedenccken aber/ die Stend werden klainen danck bey
 seiner heyligkayt erlangē/ dan Er jr vnuermögen vñ entschuldi-
 gen/ gleich so fur vngegründt als wir erkennen vñ annemē wir-
 det. Dem allem nach ermanen wir die Curfursten Fursten vñ
 Stend vnser vñ des heyligen Reichs auffs Ernstlichist vnd
 höst/ So wir jr Erwelter Römischer Kayser zumanen haben/
 das sy vnangesehen der oberzelter vñ aller anderer vermaynter
 vrsachen vñ außzüg/ die Cristenlichen kirchen in krafft Babst-
 licher heyligkayt erfordrüg/ auch das heylig Reich vñ Teutsche
 Nacion jrn pflichten vnd Ayden nach/ kayns wegs verlassen/
 sonder sich denselben zu hilff vnd beystandt/ vñ zu auffuerung
 des gegenwurtigen götlichen taglichen Sigs/ nochmals ainer
 Tapffern tröstlichen ordenlichen anzal kriegs volck entschlies-
 sen/ Die auch auffs eylend ist so müglich ist berayt machen/ vñ
 zu vns vertigen/ des wöllē wir vns noch gnedigklich vñ freunt-
 lich zu jnen getrösten vñ versehen. Geben in vnser stat Trient
 Am Viertzehēden tag des Monats Junij. Anno rē. nono. Vn-
 sers Reichs des Römischen im vierundzwainzigisten Jarn.

C

OYser obgeschriben vnserer schrifft antwort vñ ansuechen haben die Curfürstē/ Fursten vñ Stend des Reichs vber das sy durch vnnsere Rete zu Wormbs hoch vñ streng darun̄ ermant vñ ersuecht worden sein/ nit erwart/ sonder sich auff Ir obbegriffen maynūg vñ dARTHūn/ vnsern Reten in schrifft vberantwort/ vor vñ ee jnen auch oberzelt vnser verantworten vñ ansuechen zukomen ist erhebt/ den Reichs tag geendet/ vnd auff Irer maynung wie vor beharret.

Die weil wir nu bedēcken das menigklich so villeicht der handlungen nit wissen tragen/ befrōnden mōcht/ was doch die vrsach derohalben vns dem heyligen Reich vñ Teutscher nacion von der versamlung des Reichs die hilff vñ beystand verzigen vñ abgeschlagen warn. Ermessen auch dz vngeweyfelt/ dieselben vrsachen/ den Churfursten Fursten vñ Stenden zu fueg vñ vnschuld vneroffnet vñ vnberedt nit bleiben/ Darauf dan vns (wo wir vnser gegrundte antwort entschuldigung weyse obgeschribner massen dagegen nit dartheten vñ erlauten lieffen) vnglimpfen vñ schuld zugelegt werden mōcht. So haben wir vnserer Eren halbē fur not geacht/ Euch allen vñ yeden in sonderheyt/ gestalt/ schicklicheyt vñ wesen vnserer auch der Churfursten Fursten vñ Stend des Reichs obbegriffen handlung hie mit zu offenbarn. Ob auf dem/ das sy zuuor der Babstliche heyligkeyt vñ nachuolgend vns vñ dem heyligen Reich Ir hilff vñ beystand zu dysen vnsern löblichen gödlichen furnemen nit bewisen hetten/ dem heyligen Reich vñ Teutscher Nacion ainich beschwart zustūnd vñ erwūschse/ das der almechtig vorhūten wölle/ Als auch wir mit darstrecken vnser leibs vñ gūts zu furkomen alzeit begierigs hertzens willig gewest vnd noch sein/ damit doch wir entschuldigt seien. Dan auf berūrten der versamlung verziehen wagern abslagen/ mūgen wir vns mit vnsern herosern östereich vnd Burgundi zu dem Reich vñ Teutscher nacion hinfur wenig hilff/ trosts vñ beystands versehen. Dieselben vnser heroser zu behalten vñ zuhandhaben gegen vñ vor vnsern durchachtern vñ widerwertigen glaubigen vñ vnglaubigen/ von denen wir vñ die genāten vnser heroser nu ob Dreyssig

Jarn her/dem heyligē Reich zu behüt vñ güttem/hertem schwe-
ren last anfechtung vñ krieg geliten vñ getragen haben/derglei-
chen vnns noch herotigs tags obgelegen vñ hinfur stettigs zu-
gewarten sein.

¶ Wir hetten doch gehofft vnd getraut/die versamlung solt be-
dacht vñ mitleyden gehabt haben/vnserer mercklichen verlust/
so vns yetz ain Jar verganngen vmb des Reichs vñ Teutscher
nacion furgenommer eer vnd wolfart willen begegnet/die vnd
noch vil mechtigers vñ merers darzu/vnns dyser zeit mit Sig-
gnad vnd gluck des almechtigen widerkert ist. So müssen wir
abnemen als ob vnser verlust vñ schmach/vñ herwider vnser
Sig vñ gluck/Bey inen gleichmessig bewegen vñ geacht werdt.

¶ Das muß aber kumen vnd entspringen aus etlichen die vnns
mißgonnen/zu denen wir vnns doch/in ansehung vnserer gna-
den frewntschafft vñ gütat der wir vnns gegen inen befleyssen
vnd erzaigt/kains vbeln versehen haben.

¶ Begern demnach an euch all vñ yegklich in sonderheyt dysse
vnser vnderricht vñ dardhün entschuldigung weyse/furwar
vñ gegrundt anzunemen vñ zuerkennen/vnns auch damit güt-
lich entschuldigt zuhaben/vñ ob yemand aus im selbst oder auß
vnwissen oder vngegrundtem erfarn/ychtz dawider zureden/
vñ anzuzaiße vermaint/so sein wir bereit vñ begierig dem oder
denselben alzeit klarer bericht/vñ gnügsamen verstand zugege-
ben/das dysse sach als sich yetzo erscheint/lang her durch vnser
mißgönnner auff vns (zerruttung im heyligen Reich zuberwegē)
bedacht vñ furgenomen ist/das wolten wir euch nit verhalten
Geben vnd gefertigt in vorgenannter vnserer stat Trient. Am
Sechszwainzigisten tag des Monats Junij. Anno 7c. Im
Nexonten. Vnserer Reiche des Römischen Im Vierundzwain-
zigisten/vnd des Hungarischen im Zwainzigisten Jarn.

¶ ij

Ad mandatum
Dñi Imperatoris

Form der Absag von Fursten Grauen

Freyen/herren Rittern/Knechten vnd dienstleuten des heyligen Römischen Reichs. Auch Teutscher Welscher vnd Windischer Nacion verwandten vnd vnderessen/An den Herzogen vnd die Herrschafft von Venedig schriftlich vnd mundlich aufgangen.

Fursten Grauen Freyen Herren Ritter

Knecht vñ dienstleut für sy jr helffer vñ helffers helffer obgemelter Nacionen/haben in irer absag dem Herzogen vñ der herrschafft von Venedig zu wissen gethan vñ erzelt. Wie sy vnser heyligster vater der Babst durch seiner heyligkeyt Bullen Bericht/was gestalt die Venediger sein heyligkeit vñ dem heyligen Stül zu Rom bysher in manigfaltig weg gewaltiglich vñ on alle Recht beschwert vnd bedrengt/das seiner heyligkeyt furter zgedulden nit gepürt/vnd sey defhalbten hoch geursacht/Sy mit dē gaystlichen vñ weltlichen schwert zustraffen/Hab auch darauff die obbestimbe gesellschaft von Fursten Grauen Freyen herren Rittern Knechten vñ dienstleuten/Als verwandten vñ vnderessen des heyligen Reichs/welches ain schyrm der cristlichen kirchen ist/Zuhilff Beystand vñ rettung wider sy ermät/Das dann dieselb gesellschaft zu hertzen genommen vnd sich entschlossen haben/seiner heyligkeit vñ der heyligen kirchen mit allem irem vermügen vñ was jnen darzu gepürt gehorsam vnd willfaren zuthun.

¶ Darzu hab sy auch bewegt vñ geursacht. Wiewol der bestad des verschinen Jars zu Keyff am Gartsee zwischen der Römischen Kayserlichen Majestat vnserm allernedigisten herren an ainem/vnd den Venedigern durch Jr gewaltig potschafft/mitsambt vñ neben dem kunig zu Franckreich anders tayls auffgericht/vermögt hab/das die Venediger solichen bestande ain zeitlang für ain friden gehalten/zuhandeln wandeln/vñ alles das thun solten/das vor dem negstuergangnen krieg zwischen

dem heyligen Reich vnd inen gemacht verbüefft vnd versigelt/
 Sy auch dem heyligen Reich schuldig gewest sein/ So haben
 sye doch dem selben in menig weg zu wider gehandelt Auch an
 etlichen der obgenanten gesellschaft vom Adel/ Steten/ dar zu
 lndern vñ gmainden auß Kayserlicher Maiestat Erblanden
 den Bestandt nit gehalten/ wie sich dann die gesellschaft mit der
 zeit so der gegenwurtig Krieg sein entschafft nemen wirt/ das zu
 beweysen erpieten.

¶ Zusambt dem dz sich die Venediger gegen des heyligē reichs
 Camergericht vñ in ander weg/nach dem berürten Bestand der
 massen vnerberlich verachtlich vñ vngepürlich gehalten vnd
 bewisen/das sy der Camerrichter vñ die beysitzer des Kayserli-
 chen Camergerichts in die Acht erkent vnd publicirt uaben.

¶ Vnd noch mer das der merberürt Bestandt von den Venedi-
 gern mitsambt vñ neben dem Kunig zu Franckreich ainmütig
 auffgericht/an Kayserlicher Maiestat geprochen sey/durch sol-
 hen weg. Wiewol der selb Bestandt dem Kunig zu Franckreich
 vñ Venedigern nit weyter dan das hertzogthumb Geldern zu
 beschirmen vñ zuretten zugeben vñ sonst alle Kayserlicher Ma-
 iestat land zu friden begriffen. So hab doch der von Arnburg/
 als er jungst furgenomen het das hertzogthumb Geldern mit
 Frantzosischem volck zuretten/vñ aber des nit stat noch gelegē-
 heyt finden mögen/den gubernator vñ Tschanpani beredt/auff
 das land Lutzburg anzugreyffen vñ zu kriegē. Des auch des
 derselb von Arnburg auß vergönnen des gedachten Guberna-
 tors von Tschanpani ain anfang gethan hab/ mit verheren vñ
 plündern etlicher dörffer des genanten lands von Lutzburg
 vber das selb dem heyligen Reich zugehörig vñ vnderworffen
 vñ in dem Bestandt zufriden begriffen sey. Dem allen nach mö-
 gen die Venediger vnd meniglich ermessen/was die obange-
 zaigt gesellschaft geben den Venedigern als durchachtern der
 heyligen kirchen des Römischen Reichs vñ Teutscher Nacion
 furzunemen p flichtig seyen. Nemlich zu eren behaltung vñ wol-
 fart derselben heyligen kirchen Römischen Reichs/vñ Teutsch
 er nacion ire widerwartigen vngehorsamen vñ durchachtern

verhelffen zu straffen/. Des auch dieselb geselschaft also zuthun
entschlossen. Sich damit durch Ir absag fur der Venediger of-
fen Veind vñ Achter erklet vñ taylhesftig gemacht/vñ also Ir
Eer nach Kriegs rechten bewart haben wollen. Zu vnkundt ist
der Römischen Kayserlichen Maiestat Secret auff die Absag
gedruckt worden/vñ außgangen am Achtundzwainzigisten
tag Maij. Anno 7c. Nono.

Dem aller geliebsten in Christo vnserm Sun Maximiliano
Erwelten Römischen Kayser alweg ein merer 7c.

Julius Pabst der ander/o aller geliebster in christo
vnser Sun/heyhl vnd pēstliche benedeyung/Als im anfanck
vnser würdigkeyt/die Venediger zwo scheinperlich der heyligē
Römischen kirchen Stet mit namen Fauenciā vnd Ariminum
Auch etliche andre gnügsamlich versicherte merckt/wüterlich
wider all Ersamkeyt auch gerechtigkeit (gottes forcht hyndan
gesetzt) besessen hetten. Vnd von vnns durch Redner vnd sendt
brieff/vñ auch durch potschafft deiner hochmechtikeyt ersucht
die selbigē wider zugebē harthertlich habē abgeschlagē/vñ vn-
ser macht in zeitlichē gewaltē der ihenigen krefft weyt vngleich
weren. Dein Maiestat als der Römischen kirchen versprecher/
haben gemont/auff das nach deiner löblichen gewöheyt/auch
deiner allerscheinperlichsten voreltern/Welche der heyligē Rō-
mischen kirchen vnd pēsten alweg in aller notturfftigkeyt ge-
wonlich hilff gethan/vmb widerumbpringüg der vorgemeltē
Stet vñ Merckt/wölft vnns beyssen/Vnd wiewol begerte ant-
wort vō deiner hochmechtikeyt gehabt haben/doch byß on dy-
sen tag verzogē anzugen solhe widereinpringüg/hoffent vñ auf-
enthaltē/Das die Venediger entlich zu dē hertzen widerumbko-
men/willigklich vñ an keine macht recht bequemliche widerke-
tung theten. Aber sye (vmb das seer schmerzen tragen) in ver-

worffnes gemüt gegeben/vñ das hayl irer seel vergessen. Nicht
 allain die abgezogen nicht widergeben/Sonder auch andre ab
 zunemen von Vatterlichem erb des heyligen Petri der Apostel
 furst berayten/dañ ein grof heer vberkomen/vnd on nahenden
 enden zusamen gesatz/dañ yezund ein schwere vngestümliche
 einfallung wider anders vnser volck vñ vorgemelter kirchen
 sy zu verpungen getroet/so vast das vberschwenclich zu furch
 ten sey/das sy mit vns vnd dyse heylige Römische kirchen/deine/
 auch aller gläubigē militigkiste müter/mit grosser vnrechter be
 schwerung auch beschedigung peinigen/Umb des willen dein
 Maiestat bitten vñ ermanen in dē herren/das nach dem ambe
 eines güten versprechers/vnd deiner/auch deiner aller berümft
 en eltern löblicher gewöheit/vns mit deiner krefftigisten macht
 beyste/vnd hilffprung/zu widerpungen stet vnd Merck vñ vor
 gemelte/Rauenna auch Ceruia vñ Sarsina mit irer zugehörig
 vnd gegenten/zu eben selbigen heyligen Römischen kirchen in al
 ler pester gerechtigkeit zugehören/vnd von den Venedigern et
 welang wüttrich besessen vñ vnredlich behalten. In welchem
 ein angenems werck/got dem almechtigen/deinem namen vnd
 gewonheit bequem/aller maystes lobes würdig/vñ vnns danck
 perligist wirst thün/nicht mit verhynderung welcherley frista
 gen vñ gedingen durch dein Maiestat/oder deine/mit eben selbi
 gen Venediger vñ vñ vielleicht gemacht/dañ in aller verpüntnuß auß
 genommen alweg verständen wirt die erwirdigkeit des Römisch
 en bischoffs vñ des heyligen pestlichen stüls. Geben zu Rom
 bey dem heyligen Peter vnter dem Fischers ring. Am zehenden
 tag Aprilis. M. cccc. ix. Vnser pabstumbs. vj. Jar.

Faint, mostly illegible text in a historical script, possibly Latin or German, arranged in several lines across the page.

